

## Morning Dogri (NSD) National News Bulletin 22-12-2024

### आकाशवाणी

1. प्रधानमंत्री नरेन्द्र मोदी होर अज्ज कुवैत दे प्रिंस ते युवा शहजादे ते उत्थुं दे प्रधानमंत्री हुंदे कन्नै गल्लबात करडन।
2. महाराष्ट्र दी नमीं सरकार च मंत्रिएं गी बक्ख-बक्ख विभाग बंड्डी दित्ते गे न। मुख्यमंत्री देवेन्द्र फडनवीस होरें गृह विभाग दी जिम्मेदारी सांभी ऐ।
3. भारत च जंगलें दे सर्वेक्षण सरबंधी रिपोर्ट मूजब देसै दे जंगली इलाकें च 1 ज्हार 445 वर्ग किलोमीटर दा बाददा होआ ऐ।
4. भारत नै जर्मनी दे मैगडेबर्ग च होए दे हमले दी सख्त निंदेआ कीती ऐ।
5. आईएसएसएफ जूनियर निशानेबाजी विश्व कप अगले ब'रे भारत च आयोजित होग।
6. भारत ते वेस्टइंडीज दी भारती महिला क्रिकेट टीम बश्कार त्रै मैचें दी आईसीसी चैंपियनशिप श्रृंखला अज्जै थमां शुरु होआ करदी ऐ।

<><><><><><><><>

### PM Kuwait

प्रधानमंत्री नरेन्द्र मोदी अज्ज कुवैत दे बायन पैलेस च निग्गे सोआगत दे बाद कुवैत दे प्रिंस ते युवा शहजादे हुंदे कन्नै बैठक करडन। ओह कुवैत दे प्रधानमंत्री हुंदे कन्नै शिष्टमंडल स्तर दी गल्लबात बी करडन। श्री मोदी होर कल द'ऊं दिनें दी जात्तरा पर कुवैत पुज्जे हे। एह पिच्छले 43एं ब'रें च कुसै भारती प्रधानमंत्री हुंदी पैहली कुवैत जात्तरा ऐ। उंदी एह जात्तरा कुवैत दे अमीर हुंदे साददे पर होआ करदी ऐ। कल श्री मोदी होरें कुवैत शैहरा च इक विशेष आयोजन च भारती समुदाय दे लोकें गी सम्बोधित कीता। उनें आखेआ जे कुवैत दे विकास ते भारत-कुवैत सरबंधें दी मजबूती च भारतवंशियें दी बड्डी भूमिका रेई ऐ। प्रधानमंत्री होरें भारतवंशियें गी प्रवासी भारती दिवस ते अगले म्हीने आयोजित होआ करदे महाकुम्भ मेले च भागीदारी लेई साददा दित्ता। उनें आखेआ जे भारत विश्व-बंधु रेहा ऐ ते तकनीक ते बुनियादी ढांचे दे खेत्तर च देश तेजी कन्नै तरक्की करै करदा ऐ। मोदी होरें आखेआ जे भारत च दुनिया दी कौशल राजधानी बनने दी समर्थ ऐ ते भारत आलमी सतह दिएं जरूरतें मूजब अपने कौशल विकास कार्यक्रम चला करदा ऐ। प्रधानमंत्री होरें कुवैत दे



<><><><><><>

## PM Mann Ki Baat

प्रधानमंत्री नरेन्द्र मोदी अपने माहवार रेडियो कार्यक्रम "मन की बात" दे राएं औं दी 29 दिसम्बर गी देश-विदेश च रौहे आहले श्रोताएं कन्नै बचार सांझे करडन। हर म्हीने दे अखीरले ऐतवारें दिनै 11 बजे प्रसारत होने आले इस कार्यक्रम दी एह 117मीं किशत होग। कार्यक्रम च शामिल कराने लेई लोक अपने बचार टोल फ्री नंबर 1800-11-7800 पर फोन करियै जां फही नरेन्द्र मोदी ऐप पर बी इस म्हीने दी 27 तरीक तगर भेजी सकदे न। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाहग। एहदे इलावा एह प्रसारण आकाशवाणी खबरें दी वैबसाइट ते न्यूज ऑन ए.आई.आर मोबाइल ऐप पर बी उपलब्ध होग। एहदे कन्नो कन्नी आकाशवाणी समाचार, डी.डी न्यूज, प्रधानमंत्री हुंदे दपतर ते सूचना ते प्रसारण मंत्रालय दे यूट्यूब चैनलें पर बी एहदी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे तुरत मगरा मकामी भाशाएं च एहदा अनुवाद बी प्रसारण कीता जाहग।

<><><><><><>

## Germany Attack

भारत नै जर्मनी दे मैगडेनर्ग च होए दे भीषण हमले दा कड़े शब्दे कन्नै निंदेया कीती ऐ। इस हमले च 5 लोकें दी जान चली गई ते 200 कोला मते लोक घायल होई गे हे। विदेश मंत्रालय नै इक ब्यान जारी करियै एह आखेआ जे एह हादसा भम्भण हा ते एह इक बेहूदा हमला हा। इस हमले च 7 भारतीय नागरिक बी घायल होए न ते सूत्रें मताबक इनें सब्बने गी अस्पताल थमां छुट्टी मिली गेदी ऐ। भारतीय दूतावास नै सब्बने घायलें कन्नै बरोबर संपर्क बनाई रखे दा ऐ। जर्मनी च पेश आए दा एह हादसा पिछले शुक्रवारें होआ हा। हादसे आली थाहर क्रिसमस लेई खरीदारी करा करदे लोकें उर भीड़ गी इक कार नै बड़े गै बुरे तरीके कन्नै मिंदी दित्ता हा।

<><><><><><>

## GST Meet

राजस्थान दे जैसलमेर च जीएसटी कौंसल दी 55मीं बैठक छ कल वस्तु ते सेवा कर गी लेइयै केइं फैसले लैते गे। खजाना मंत्री निर्मला सीतारमण हुंदी अध्यक्षता च होई दी इस बैठक च राज्ये दे मुखमंत्रिं, उपमुखमंत्रिं, खजाना मंत्रिं ते खजाना मंत्रालय दे अफसरें हिस्सा लैता। बैठक दे बाद प्रेस कांफ्रेंस गी संबोधत करदे होई सीतारमण होरें आखेआ जे जीएसटी कौंसल ते फोर्टीफाइड चौले दे बीएं उप्पर दरें च कऔती करियै 5 फीसदी करने दा फैसला कीता ऐ। मंत्री होरें आखेआ जे जीएसटी कौंसल नै होर बड़ी सार चीजें उप्पर टैक्स गी घटाने ते टैक्स दी छूट देने दा बी फैसला कीता ऐ। सीतारमण होरें आखेआ जे जीन थेरापी गी बी वस्तु ते सेवा कर कोला छूट दित्ती गेदी ऐ।

<><><><><><>

## Education Minister

केन्द्री शिक्षा मंत्री धर्मेन्द्र प्रधान होरें आखेआ ऐ जे सरकार क्षेत्रीं भाषाएं च बक्ख-बक्ख पाठ्यक्रमें दे शैखिक पाठ्यक्रम गी उपलब्ध कराने आस्तै प्रतिबद्ध ऐ। चौधरी चरण सिंह पुरस्कार समारोह दे पैहले संस्करण दे मौके पर बोलदे होई धर्मेन्द्र प्रधान होरें आखेआ जे एह पुरस्कार उनें लोकें गी सम्मानित करने लेई शुरू कीते गे न जिनें करसानें ते ग्रामीण विकास आस्तै कम्म कीते दा ऐ। मंत्री होरें अगगे आखेआ जे राई-बाई आली अर्थबवस्था अजें बी देसै दे सकल घरेलू उत्पाद च सारे कोला मता योगदान देआ करदी ऐ।

<><><><><><>

## Education-Ministry

शिक्षा मंत्रालय नै जम्मू-कश्मीर उच्च शिक्षा आहले 9 इदारें लेई प्रधानमंत्री उच्चतर शिक्षा अभियान तैहत 85 करोड़ रपे दे प्रोजेक्ट मंजूर कीते न। इस बारे फैसला जंदे रोज परियोजनाएं गी मंजूरी देने आहले बोर्ड दी त्री बैठका च लैत्ता गेआ। इस गेंह दे तैहत राजौरी च बाबा गुलाम शाह बादशाह युनिवर्सिटी गी ढांचागत विकास लेई 20 करोड़ रुपें दी रकम थहोग। जम्मू-कश्मीर दे उच्च शिक्षा विभाग नै एहदे शा पैहले 585 करोड़ रुपें दी अंदाजन लागत कन्नै 47 इदारें लेई इक व्यापक प्रस्ताव जमा करोआया हा।

<><><><><><>

## Dogri Manyta Diwas

समूलचे जम्मू संभाग च अज्ज डोगरी मान्यता दिवस मनाया जा करदा ऐ। डोगरी भाशा गी भारती संविधान दी 8मीं सूची च शामिल कीते जाने ते इसी इक राष्ट्री भाशा बनाने दे चेतते च एह् ध्याड़ा हर ब'रे मनाया जदां ऐ। इस सरबंधै च अज्ज जम्मू संभाग च केई सारे कार्यक्रमें दा सरिस्ता कीता जा करदा ऐ। डोगरी मान्यता दिवस दे सरबंधै च डोगरी संस्था जम्मू आसेआ बी इक समारोह दा आयोजन कीता गेआ। इस मौके पर मन्नी-परमन्नी दिएं शखिसयतें ते कलाकारें दुग्गर दी सग्गोसार संस्कृति ते भाशा गी बढ़ावा देने दे महत्त्वै पर लोऽ पाई।

<><><><><><>

## ISSF Shooting

आईएसएसएफ जूनियर निशानेबाजी विश्व कप अगले ब'रे भारत च आयोजित होग। एह्दे च राइफल, पिस्टल ते शॉटगन दे मुकाबले होऊन। एह् पैहली बारी होग जिसलै भारत जूनियर निशानेबाजी विश्वं कप दी मेजबानी करोग। एह् देशै च आयोजित होने आहली त्रीऽ प्रमुख विश्व निशानेबाजी प्रतियोगिता होग। पिच्छले ब'रे भोपाल च सीनियर विश्व कप ते इस ब'रे निशानेबाजी विश्व कप फाइनल दा आयोजन होआ हा।

<><><><><><>